



Broj: 0602-3687-10-5/19
Sarajevo: 04.12.2019.god.

Na osnovu člana 70. Zakona o javnim nabavkama („Službeni glasnik BiH“ broj 39/2014), i čl. 43 i 47. Statuta KJKP „POKOP“ d.o.o. Sarajevo, a na prijedlog Komisije za javne nabavke konstatiran u Zapisniku o pregledu i ocjeni ponuda broj: 0602-3687-10-4/19 od 03.12.2019. godine, Direktor d o n o s i

ODLUKU

o izboru najpovoljnijeg ponuđača
u otvorenom postupku

Član 1.

Ugovor za nabavku kamenih nadgrobnih obilježja sa montažom LOT 4- nabavka kamenih nadgrobnih obilježja sa montažom od kamena granit ili ekvivalent, dodjeljuje se ponuđaču KLESAR d.o.o. Hadžići, sa registrovanim sjedištem u ul. Binježevo 136 u vrijednosti od 154.932,70 KM bez uračunatog PDV-a, odnosno 181.271,26 KM sa uračunatim PDV-om, kao najbolje ocijenjenom ponuđaču.

Član 2.

Ponuda ponuđača G.H. d.o.o. Sarajevo-Ljubina, Solakovići 1, Ilijaš se odbija u skladu sa članom 68. Zakona o javnim nabavkama („Službeni glasnik BiH“ br.39/14) kao neprihvatljiva za ugovorni organ.

Član 3.

U skladu sa članom 70. stav 6. Zakona KJKP Pokop d.o.o. Sarajevo će ovu Odluku objaviti na svojoj internet stranici i to istovremeno s upućivanjem Odluke ponuđačima koji su učestvovali u postupku nabavke.

Obrazloženje

KJKP Pokop d.o.o. Sarajevo je u skladu sa čl. 18. i 25. Zakona o javnim nabavkama pokrenulo Otvoreni postupak za nabavku kamenih nadgrobnih obilježja sa montažom LOT 4- nabavka kamenih nadgrobnih obilježja sa montažom od kamena granit ili ekvivalent.

Na portalu javnih nabavki objavljeno je obavještenje o nabavci broj 775-1-1-186-3-51/19 objavljenog dana 21.10.2019. godine na Portalu javnih nabavki i u „Službenom glasniku BiH“ broj 72/19 od 25.10.2019.godine. Kriterij za dodjelu ugovora je najniža cijena.

Na osnovu Obavještenja o nabavci i tenderske dokumentacije, izvršeno je javno otvaranje ponuda dana 02.12.2019. godine u 11:30 sati u prostorijama KJKP POKOP d.o.o. Mula Mustafe Bašeskije 38, Sarajevo, što je konstatovano u zapisniku sa otvaranja ponuda u skladu sa Zakonom o javnim nabavkama („Službeni glasnik BiH“ broj 39/14).

Komisija je na javnom otvaranju konstatovala da je svoje ponude predalo 2 (dva) ponuđača i to: KLESAR d.o.o. Hadžići, Binježevo 136 i G.H. d.o.o. Sarajevo-Ljubina, Solakovići 1, Ilijaš.

Komisija je prema članu 65. ZJN pristupila pregledu i ocjeni ponuda, što je konstatovano u Zapisniku o pregledu i ocjeni ponuda, koji je sastavni dio ove Odluke.

Obzirom da je tenderskom dokumentacijom predviđena e-aukcija, a Ugovorni organ je zaprimio jednu prihvatljivu ponudu, e-aukcija se ne može zakazati, nego se postupak okončava u skladu sa članom 69. Zakona.

U postupku donošenja ove Odluke, posebno su cjenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije. U postupku ocjene provedenog postupka nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Slijedom navedenog Komisija je jednoglasno dala preporuku da se donese Odluka o izboru najpovoljnijeg ponuđača KLESAR d.o.o. Hadžići, Binježevo 136, iz razloga što je Komisija utvrdila da ponuda primjenjujući kriterij najniže cijene tehnički zadovoljavajuće ponude – prihvatljiva i sačinjena u skladu sa traženim uslovima navedenim u Tenderskoj dokumentaciji za predmetni postupak.

Shodno prijedlogu i preporuci Komisije za javne nabavke, Ugovor za nabavku kamenih nadgrobnih obilježja sa montažom LOT 4- nabavka kamenih nadgrobnih obilježja sa montažom od kamena granit ili ekvivalent u vrijednosti od 154.932,70 KM bez uračunatog PDV-a, odnosno 181.271,26 KM sa uračunatim PDV-om, dodjeljuje se ponuđaču KLESAR d.o.o. Hadžići, Binježevo 136, koji je je ponudio najnižu cijenu.

Ponuđač G.H. d.o.o. Sarajevo- Ljubina Solakovići 1, Ilijaš, se isključuje iz daljeg razmatranja ponuda jer ne ispunjava sve uslove iz tenderske dokumentacije i to iz sljedećeg razloga:

Ponuđač je u svojoj ponudi nije dostavio garanciju za ozbiljnost ponude kako je zahtjevano tačkom 19. tenderske dokumentacije. Ponuđači su obavezni da dostave neopozivu bezuslovnu bankarsku garanciju za ozbiljnost ponude, za LOT 4-Nabavka kamenih nadgrobnih obilježja sa montažom od kamena Granit-gabro ili ekvivalent u iznosu od 1% (jedan procenat) od procijenjene vrijednosti, sa rokom važenja od 120 (stotinu i dvadeset) kalendarskih dana, od dana dostavljanja ponude, na obrascu „GARANCIJA ZA OZBILJNOST PONUDE“, koji je u prilogu tenderske dokumentacije, Aneks 9.

Ponuđač G.H. d.o.o. Sarajevo- Ljubina Solakovići 1, Ilijaš je u svojoj ponudi dostavio referenc listu u kojoj je navedeno 5(pet) ugovora u vrijednosti od 210.149,83 KM, a u sklopu svoje ponude ponuđač je dostavio 3(tri) potvrde o uspješnoj realizaciji ugovora, od toga potvrda o uspješnoj realizaciji ugovora izdata od strane Islamske zajednice u Bosni i Hercegovini ne može se prihvatiti kao validna jer na istoj nije naznačena vrijednost ugovora, što je suprotno članom 48. ZJN stav 3. Potvrda o uredno izvršenim ugovorima mora sadržavati sljedeće podatke: a) naziv i sjedište ugovornih strana ili privrednih subjekata; b) predmet ugovora; c) vrijednost ugovora; d) vrijeme i mjesto izvršenja ugovora; e) navode o uredno izvršenim ugovorima.

Ponuđač G.H. d.o.o. Sarajevo- Ljubina Solakovići 1, Ilijaš u na strani 17 ponude dostavio potvrdu o uspješnoj realizaciji ugovora sa referenc liste od strane općine Novi Grad, vrijednosti izvedenih radova u iznosu od 62.837,19 KM, a vrijedost navedenog ugovora upisanog u Referenc listi Aneks 5 iznosi 63.176,10 KM. Uvidom u Referenc listu evidentno je da se dostavljena potvrda odnosi na isti Ugovor odnosno Predmet ugovora, vrijeme i mjesto izvršenja ugovora, te se pretpostavlja da došlo do tehničke greške prilikom upisa vrijednosti ugovora u Referenc listu. Komisija prilikom evaluacije ponuda konstatovala da isti ne može biti razlog za eliminaciju ponude te da se za zbir vrijednosti ugovora uzima iznos naveden u potvrdi o uspješnoj realizaciji ugovora. Tako da je ukupna vrijednost realizovanih ugovora iznosi 108.169,61 KM, što je suprotno Tački 15. tenderske dokumentacije „Tehnička i profesionalna sposobnost“ u kojoj je zahtjevano od ponuđača da se dostavi Uspješno iskustvo u realizaciji ugovora za isporuku predmetne nabavke čiji su karakter i kompleksnost slični sa onima koji se odnose na predloženi ugovor, u prethodne 3 (tri) godine i čija je ukupna vrijednost minimalno 155.000,00 KM (bez PDV-a) (odnosi se samo na LOT 4);

Ponuđač G.H. d.o.o. Sarajevo- Ljubina Solakovići 1, Ilijaš, se isključuje iz daljeg razmatranja ponuda iz razloga što je ponuđač propustio dostaviti Izjava ponuđača da će nakon prijama narudžbenice (maksimalno 10 kompleta spomenika/nišana) izvršiti identifikaciju mjesta u roku od 24 (dvadesetčetiri) sata, a najkasnije u roku od 10 (deset) dana od momenta prijama pismene narudžbe izvršiti isporuku robe kako je zahtjevano tačkom 11. tenderske dokumentacije.

Ponuđač G.H. d.o.o. Sarajevo- Ljubina Solakovići 1, Ilijaš u sklopu svoje ponude bio u obavezi dostaviti „popis dokumentacije koja je priložena uz ponudu“ kako je traženo tačkom 20. tenderske dokumentacije, ponuđač je u sklopu svoje ponude dostavio popis dokumentacije na Aneksu 2- obrazac za dostavljanje ponude u kome je naveo samo kvalifikacionu dokumentaciju tj. rješenje o registraciji, uvjerenja o poreznoj registraciji, uvjerenja o registraciji/upisu u jedinstveni registar obveznika indirektnih poreza, uvjerenje prema poreznoj evidenciji, uvjerenje da nije pod stečajem, niti je predmet stečajnog postupka, uvjerenje o krivičnom postupku, uvjerenje

da nema dospjelih, a neizmirenih obaveza po osnovu indirektnih poreza, izvještaj o računima Centralne banke, poslovni bilansi uspjeha 2017/2018, ovjerene kopije ugovora, potvrde o uspješnoj realizaciji ugovora i atest za kamen, bez navođenja pripadajućih Aneksa i ostale priložene dokumente dostavljene u sklopu ponude.

Ponuda ponuđača G.H. d.o.o. Sarajevo- Ljubina Solakovići 1, Ilijaš nije pripremljena u skladu sa zahtjevima iz tenderske dokumentacije usljed čega je nepotpuna u ovom postupku nabavke i odbija se u skladu sa članom 68. stav 4. tačka i) Zakona o javnim nabavkama (Sl. Glasnik BiH broj 38/14) jer ista ne ispunjava zahtjeve iz tenderske dokumentacije.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.


DIREKTOR
Goran Cerić

Prilog:

- Kopija zapisnika o pregledu i ocjeni ponuda

Dostaviti:

1. Ponuđačima x 2;
2. Nadležnoj službi;
3. a/a Preduzeća.

